

乾嘉名儒年譜

陳祖武先生選
清人年譜系列

◎本社影印室 輯

◎北京圖書館出版社

陳祖武先生選
清人年譜系列

◎本社影印室 輯

◎北京圖書館出版社

乾嘉名儒年譜

14

序

憶昔丙寅丁卯之際與馮子仲翔共學清華園時有任公觀堂寅恪辛平諸師剛主子馨芸圻侃如子植懷斌了一書舛欣安彤伯諸友相與昕夕摩挲橫書辨難亦或放懷騷雅裁牋唱酬儼然同隊之魚初不識人世間有習繳澤虞之變寄志三古上營目九域外此亦人生之極樂也無何仲翔返覲西河旋佐戎幕於湟中者數年余則匏繫微祿影京門性又疏嬾遂成睽隔去年秋仲翔忽携一介行李翩然過存蓋已弃官高蹈謀遂讀書夙願爰下榻於余百鶴樓之東序契闊談讌听夕相守爲樂不減在清華時夜永酒闌君往往致歎於勝朝嘉慶學術之隆而慨夫秦隴之無人文教之失揆未嘗不展轉歔歔而思所以湔祓之者予則出予新箸段王三先生年譜似以段王暨張介侯相與瓜葛故事曰此寧非關隴人邪其學其行悉當時諸顧頤所敬慕而推爲南服所未曾有者此固一代石師將俟於後學之表彰者君迺瞿然而起曰有是哉是固余小子之責也

夫在西寧日曾得張公手校二酉堂全書眉間行裏鉤乙補苴丹鉛殆遍雖无妄檄泐然就中菁英要已暗識無遺又獲邢兩民守雅堂文集凡與介侯往復之作亦猶數見不鮮亟宜纂爲年譜以囊橐羣材俾勿墜地是亦陝甘文獻一大事業也獨期發篋陳策若養素堂全集姓氏書五種二酉堂叢書等鱗次駢前咸供驅遣而又旁蒐秘笈兼及墨本凡數閱月而介侯先生年譜告成焉因持以示盼遂曰此編造述顛末唯子稔知盍序數語以發之予曰孟子居不云乎誦其詩讀其書不知其人可乎是以論其世也此蓋晚近年譜學之界義矣君生與介侯同鄉里其流風遺沫之服襲者應多而讀書五車行路萬里落筆千秋也則又無不與同是介侯行年之繫詎孰有宜于君者然則是編能得介侯之真足以信今而昭後者又何疑焉抑予別有說者張公以乾隆辛丑誕于武威而爲振世之豪却後一百二十年而君降于天水太歲復值辛丑據星禽家言或不無上天之陰隲與眷顧西土者存乎其間惟余則謂仲翔之鴻博畸禕六法嫺

于張索政事配乎破羌又非介侯之所能牢皋者矣丙子仲春同學弟息
縣劉盼遂序

序

有清一代治漢學者盛稱乾嘉海內翕然從風國家倡導於上疆吏開府率多學人氣類相求故成就之偉超越前代關隴夔處邊陲明季宋學較盛亭林入關與二曲山史學行砥礪志士苦心別有所在其學風未能灌滋於西而甘肅又孤懸西鄙得書不易師承墜緒窮鄉僻壤輒墨守一先生說不能見其大勢使然也介侯崛起武威早負盛名弱冠之年登巍科受知於大興朱石君圭儀徵阮芸臺元與高郵王伯申引之金壇段懋堂

玉裁

棲霞郝懿行

關皋

嘉興錢衍石

儀吉

臧在東

琳

諸人相問學上下議

論視爲異人使其留京師久竭泰半心力於述作之林其成就當不止此然以學人宦游江南垂四十年從政治學兼營不廢以狷介之性疾惡如仇終不能俛仰隨俗浮沉百里莫遂志事其治學務矜博大於輿地姓氏譜牒造詣特深以彼其才生及盛世獲徧交當代學者騰達京華漫游江湖樸學華辭兼長並茂巍然在乾嘉大師之列而清代關隴學者介侯允

爲大宗矣綜其平生所著述都數十種如干卷里中後學至舉其姓字而或茫然其遺書流傳日漸散軼予居西海時嘗得其手校本二酉堂叢書增補鈎乙頗見完善今來舊京新獲多種介侯遺書粲然略備嘗欲爲之重校而合刊之以餉士林猶未暇也適息縣劉盼遂君甫輯經韻樓續稿又爲引之先生作年譜而合刊之輯逸之心油然而生歲暮天寒山居無事輯其年譜參以他籍其學行大端略見于茲其與段王郝臧諸人論學之作尤掣掣可傳者以未能確定其年月因附錄其後民國二十四年長至日馮國瑞序於紅葉山莊

張介侯先生年譜

天水馮國瑞輯

先生名澍字伯淪自號介侯甘肅武威人祖德字誠一厥性嚴毅好面折人過戚鄰皆畏敬之有難事輒來問策畫與之決嫌疑分利害各厭其意而去

先府君行述
養素堂文集

卷三五

父應舉字聘九行三生于乾隆十三年七月

二十七日時加丑涼州府學增生世居武威事親篤孝親疾籲神求代嘗穢別差劇里之士人以比庾子真親沒弟求析產止之不可則與以田上腴者半他器物稱是未幾盡欲析君所有則又與之盡則又與之凡七析而無以食乃授讀自給猶時時與弟共所有弟沒殯乃已故所識劉文洵家富中落而瞽君爲謀居食於審眎瑤函得方療其目復明冬暇立館外一人跼泣請曰母死矣無以歛君遽脫所衣裘畀之已乃知其母死久矣君曰是屢假貸弱于顏爾不足怪也母戚貤封安人娶於張封安人元奮

勇將軍吳誠後後入明而易姓故無同族嫌子四人長濂次洵漳俱殤女

弟二人適孟適蔡

張君墓誌銘
衍石齋紀事卷十

乾隆四十六年辛丑先生生於武威里第

是年朱珪年五十歲段玉裁四十六歲邵晉涵三十八歲洪亮吉三十五歲郝懿行二十四歲阮元十七歲王引之十五歲

乾隆四十七年壬寅二歲

乾隆四十八年癸卯三歲

乾隆四十九年甲辰四歲

乾隆五十年乙巳五歲

乾隆五十一年丙午六歲

居武威

蘭州黃河清數百里

乾隆五十年間有人自蘭州來言黃河清數百里家大人命澍詠之

詩曰黃河清聖人生聖人生天下平滔滔濁流忽如鏡明誰投寸膠
千里激泓是爲聖天子之德而川后輸誠養素堂詩集卷一

乾隆五十二年丁未七歲

居武威

從劉星五先生受學

名作垣字星五武威縣人乾隆丙子舉人辛巳進士安徵舒城縣善折獄多惠政歸里後嘗掌教

酒泉書院旋主講涼州天梯書院教
學恪遊先正矩矱以理醇辭雅爲的

澍年方稚從之受業先生奇愛之病其筆端縱橫常曰子才信佳而
文軼法度非時藝也會學使章桐門先生將按臨先生謂澍曰子熟
文選亦讀律賦乎澍對曰未先生曰子急取律賦讀之學使至可考
古也澍乃取家所有新賦湧雲全部讀之六日而熟請先生命題作
之先生賞其藻麗復譽其奔放已而學使至涼澍以幼童與試名列
第二先生大喜謂澍曰子毋謂賦佳而被其甄拔也學使憐爾幼故

提獎之耳

劉星五先生傳
文集卷二十四

乾隆五十三年戊申八歲

居武威

憶澍八歲時舅姪病亡侍安人往弔其居在北門外于家灣去城二十里所既至哭奠畢舅氏留宿一日偶與安人至後院見中室設祖宗像貌皆高鼻大顴危冠珥貂有書湖廣行省平章政事中書左丞相者有書佩金虎符大將軍者有書佩珠虎符大將軍者有書佩三珠虎符大將軍者如此凡數十適舅氏幼子趨過安人呼而止之語澍曰爾舅氏家在前朝通顯多以武功著所藏誥命尙夥今爾舅業農田日廢諸子竊情家益落慮年老且抑鬱奈何言之淚纏纏下澍時亦哭失聲不知何心之所感也

先安人母氏遺事述文集卷三五

後值端陽節日正午安人方在厨蒸棗糕澍引几啟窗見後院一紅裳女子揚袖翩舞顧予而笑欲取木樨擊之倏忽而隱語安人曰是有鬼安人曰何也語之故安人曰非鬼也鬼則白晝何能見形亦非

怪也此室居數年殊清謐並無變異蓋紅裳屬火火陽也今正陽之月見之月又陽也然而爲女子乃陰也夕當慎火至夜果竈突煙起壁中木柱然膊膊作聲急水灌之乃息凡安人之見事明而析理精也如此同前

乾隆五十四年己酉九歲

居武威

母氏張卒

嗚呼澍之違母氏蓋自九歲至今矣同前

母張氏元駙馬高昌王之裔君九齡失母讀書過目輒記文章鉅麗

傾一時

張介侯墓誌銘
衍石齋紀事續卷九

乾隆五十五年庚戌十歲

居武威

幼愛離騷豔深悲正則忠

謁三閭大夫祠
詩集卷四

邢樹洪亮吉成進士

乾隆五十六年辛亥十一歲

居武威

謁韓武烈公

憶樹十一歲時謁公于里第所以獎許之者甚至

勅贈提督軍門振威將軍法福理巴

圖謠武烈韓公傳
文集卷二十四

乾隆五十七年壬子十二歲

乾隆五十八年癸丑十三歲

居武威

乾隆五十九年甲寅十四歲

居西安

是年舉于鄉

乾隆甲寅我世父侍講府君偕漢軍蔣公典陝西試得君驚歎目爲

異人張介侯墓誌銘

朱石君題續黔書詩張生天下英胸羅武庫富十四歌鹿鳴

乾隆六十年乙卯十五歲

居京師

不孝澍自甲寅登鄉薦以後即在京師肄業先府君行述文集卷三五澍初入

都邵二雲先生勸學經史養素堂詩集目錄明年澍來京師與儀吉相善

也張君墓誌銘三月憶介侯始見予水賦千言欣賞之即弟友余

張介侯墓誌銘序張介侯墓誌銘君鄉舉出我世父漆林先生之門故予幼而

識君稍長偕君為文課今君集中擬淳于越請封建及氣論諸篇皆

嘗同作間效韓孟聯句押強韻爭奪戲難相樂也如是者五年同前

君性亢直疾惡如仇好責善朋友間人多畏君張介侯墓誌銘

從管韞山先生受業

乙卯之歲執贄追隨公見我文擊節驚奇稼軒豪氣同甫雄詞評澍文謂

有辛陳之風

譽延人海名噪一詩

祭管輅山侍御師文
文集卷二十八

撰春秋時人名字釋十二篇

余十六歲時在都作春秋時人名字釋數篇

文集卷三十二

嘉慶元年丙辰十六歲

居京師

是年邵晉涵卒

嘉慶二年丁巳十七歲

嘉慶三年戊午十八歲

居京師

會試蹕留久貧甚而館鉅公家人出其內人夜擣蒲君使其戚譙

讓之卒以讒去又館臧家橋主人召優娛客君怒又去之

張介侯墓誌銘

事績
墓九

嘉慶四年己未十九歲

居京師

成進士

嘉慶四年仁宗始親政是歲也天下貢士錄用中外官倍於曩時其通經術能文章者得人尤盛時論者以擬康熙乾隆朝兩制科殆無愧云而武威張君介侯年甫十九博聞麗藻才氣無雙一時驚以爲異人

張介侯文集序
記事續彙五

最後南昌熊侍郎枚請教其孫常鎔是歲第

進士入翰林充實錄館纂修

同前

按己未會試朱珪爲正考官劉權之阮元文寧爲副

經室嘉慶四年己未科

會試後序

總裁爲大興朱文正公長沙劉文恪公長白文遠臬先生

儀徵阮文達公同考歷城汪東序先生（中略）阮仲嘉瀛洲筆

談云武進張皋文高郵王伯申閩縣陳恭甫德清許積卿桐城馬

魯陳棲霞郝蘭皋等皆治經多所著述也

閩爾昌王伯申年譜

十月請假省親有乞假歸省詩